

ԶԻՅԵՐԻԱԿԱՆ ՊԵՏՈՒԹԻՒՆ

(Զւիցերիայի 600-ամեայ տօնի առիթով)

ՄԿՐՏ. ՄԱՆՈՒԶԱՐԵԱՆԻ

(Մարուսակութիւն և վերջ¹⁾)

Կանտոնական դատարաններին է պատկանում դատաստանական իշխանութիւնը: Քաղաքացիական թեթև գործերը վճռում է հաշտարար դատարը: Քաղաքացիական ատեանը բաժանւած է. քաղաքացիական գործերի համար կալ առանձին ատեան. իսկ վտճառականական գործերի համար կալ վաճականական ատեան: Ատեանը վճռաջինջ չէ. Քրէական գործերը քննում են չատուկ քննիչի միջոցով. քաղաքացիական ատեանը քրէական գործերի քննող նիստն է կազմում (chambres d'instruction). Յանցանքները (délits) դատում են ուղղիչ նիստերում (assises correctionnelles). իսկ ոճիրները (crime) քրէական նիստերում (assises criminelles).

Բողոքները ներկայացնւում են վճռաջինջ ատեանին (cour de cassation).

Կանտոնը ունի մի ընդհանուր պրօկուրոր (procureur général) երկու օգնականներով. դատարաններում գործերը կատարւում են բաց ղռնով (հրապարակով). Քրէական լանցանքների համար ատեանը կազմւում է ժողովրդից անմիջապէս ընտրւած երդեալներից, ոճիրների համար 12 հոգուց, իսկ քրէական թեթև լանցանքների համար 6 հոգուց: Նրաբալները կարող չեն լինել դատաստանական ծառալողները, պետական խորհրդի անդամները և ոչ էլ եկեղեցականները:

Քրէական ատեանը ասացի, որ բաց ղռնով է նիստ ունենում: Ամեն

¹⁾ Տե՛ս «Մուրճ» № 9 և 10:

աք իրաւունք ունի ներկայ գտնելու նիստերին. լանցաւորը ունի պաշտօնական մի փաստաբան, եթէ նա չի որոշում առանձին մի խորհուրդատու. Ատեանի նախագահը հարցաքննում է լանցաւորին և վկաներին, վկաներին հարց տալ կարող է լանցաւորը կամ իւր խորհրդատուն նախագահի միջոցով. Հարցեր առաջարկել կարող են թէ լանցաւորին և թէ վկաներին երգւեալները և պրօկուրորը. Նախապէս խօսք խնդրելով նախագահից, լանցաւորը կամ իւր փաստաբանը պաշտպանութեան և ընդդէմ պատասխաններից չետոյ իրաւունք ունեն կրկին խօսք պահանջելու Պալքարից չետոյ նախագահը ձեւակերպում է աջն հարցերը, որ պէտք է վճռեն երգւեալները. Թէ պրօկուրորը և թէ փաստաբանը կարող են իրանց նկատողութիւնները անել ալդ վերաբերութեամբ, որից չետոյ նախագահը ամփոփում է լանցաւորի թեր և դէմ բերած ապացոյցները և առաջարկում երգւեալներին. Երգւեալները՝ ժողովրդի՝ անմիջական ներկայացուցիչները, առանձնանալով վճռում են ձաճհրի առաւելութիւնով. Եթէ նախագահը բաւական չէ մնում երգւեալների տւած վճռից, ապա գործը առաջարկում է ալլ երգւեալների որոնց վճիռը վերջնական է:

Անմիջական ուսմական կազմութիւն ունին, ինչպէս փշեցի, Գլարիս, Ուրի, Ապպէնցել, արտաքին և ներքին Իողեր, Ունտերվալդէն (վերին և ստորին), որոնց սահմանադրութիւնները գրեթէ նոյնն են. ալդ ի նկատի առած, ես բաւականանում եմ սղելու Ապպէնցէլի կիսականտոններից մէկի՝ ներքին Իողերի (Rhodes interieurs) սահմանադրութիւնը, որով դադափար կարող է տրւել և միւսների վերաբ.

Ապպէնցելի արդի սահմանադրութիւնը գործադրւում է 1873 թւականի ապրիլի 27-ից. Քաղաքական գլխաւոր օրդանը, մայիսեան ասած ժողովն է (Landsgemeinde):

Կանտոնի բոլոր քաղաքացիները, որոնք ընտրողական և ընտրւելու իրաւունք ունին (20 տարեկանից), ամեն ասարի ապրիլի վերջին չաբաթում, համախմբելով կազմում են ալդ ժողովը, որը արդարև կարելի է ազդարհին ժողով կոչել խօսքիս բուն նշանակութեամբ. Ալդ ժողովը կանտոնի բարձրագոյն իշխանութիւնն է. Ալդ ժողովում նա՝ ժողովուրդը, անմիջապէս ազատ և անկախ խղճով, արդարութեան և երկրի բարեկաւութեան բուռն տենչանքով լքցւած, արտալպտում է իւր կամքը. Նախքան անցնելս նորա իրաւունքների թւելուն, ես աւելորդ չեմ համարում ալստեղ թարգմանօրէն դնել տեղական լրագիրներից մէկի թղթակցի մի լօղւածից մի փոքրիկ կտոր.

Ահա թէ ինչ կերպ է նա նկարագրում ալդ ժողովը.

—« ...Բաց դաշտի վրայ ժողովուրդը համախմբւում էր հապճէպ:

—« Իւրաքանչիւրը հագել է իւր տօնական զգեստը. մոլդ վարտիկ, ս սև ֆրակ կամ լօդիկ (redingot) և գլխարկ. Մի քանիսը կողքից կա. « խել են սրերը. ալք ձեռներին ունեն... Ժամի 11-ին դաշտը վստում էր

« արգէն խուռն բաղմութիւնով, Քաղաքացիներէից մի խումբ ստիպւած էր
 « տեղ բռնել մօտակալ հրապարակի վրայ տախտակամածի (էստրադ) հան-
 « դէպ, Նախընթաց օրւալ վատ եղանակը արգելք էր եղել վատառողջ-
 « ներին և ծերունիներին ներկալ գտնելու ժողովրդի բաղմութիւնը անց-
 « նում էր 8 հազարից. իսկ լաւ եղանակներում, առհասարակ այդ թիւը
 « 10,000-ից անցնում է: Ժողովը բացելուց մի քանի րոպէներ առաջ,
 « երաժշտական խումբը բռնեց տախտակամածը: Երաժշտապետի նշանով,
 « խումբը ածում է մալիսեան ժողովի մաղթանքը». ամբողջ բաղմութիւնը
 « երգակցում է երաժշտական խմբին ներդաշնակ, Լուրջ դէմքով, խորա-
 « սուգւած, ներդաշնակ երգում է իւրաքանչիւրը: Մշակական երգի
 « մի օրգինալն է այդ, Չորս տուն երգելուց չտուլ, տիրեց մի տեսակ խո-
 « րին լուծիւն, որի ներքոյ պաշտօնական կորտէժը ընթանում է և տեղ
 « բռնում տախտակամածի վրայ (estrade):

« Լանդամանը (Landammann) ակց գլխարկը. կարծես դիւթա-
 « կան մի ուժով ընկան բոլոր գլխարկները և ահա ութ հազար հոգի բաց
 « գլխով մնում են, համերաշխ զգացմունքով, ի պատիւ ալն բարձր պաշ-
 « նեակին (magistat), որին իրանք նշանակել են և որը այդ րոպէին
 « ներկայացնում էր հալոյնիքն և օրէնքը: Ամբողջ բաղմութիւնը խորին
 « ուշադրութիւնով լսում է ժողովի բացման հակիրճ և կարճ ճառը: Ակա-
 « դէմիական պերճախօսութիւնը բացակալ է: Ատենաբանը վերջացնելով
 « իւր խօսքը, հրաւիրում է ժողովին, խնդրել Աստծոյ օրհնութիւնը: Կրկին
 « խորին լուծիւն. ամենքը, առած գլխարկ ներք, կենտրոնացել են մտա-
 « ւոր աղօթքում: Ամբողջ բաղմութեան մէջ ոչ մի դէմք չէ նկատուում.
 « տեսնուում է գանգերի և մազերի կոշտ սակալն այդ երկար չի տևում.
 « մի քանի վարկեանից, ամենքը գլուխ ներք բարձրացրած դործի են պատ-
 « րաստուում: Հերթական առաջին գործը ֆինանսական վարչութեան տւած
 « հաշիւ համար ժողովրդի հաճութիւնը և հաստատութիւնն էր: Ամենքն
 « էլ լալանի ձայն են տալիս ձեռները վեր բարձրացնելով, թէ դրական և
 « թէ բացասական ձայնատւութեան համար...» ¹⁾

Ահա ընթերցող, զւրեքական մի լրագրի խօսքերը, բառացի թարգ-
 մանելով ²⁾:

Այս ժողովին, ինչպէս պետութեան գլխաւոր իշխանութեան պատ-
 կանում է՝ հաստատուել և քննութեան ենթարկել սահմանադրու-
 թիւնը, ժողովը միշտ կարող է մասնաւոր փոփոխութիւններ անել. իսկ
 երբ կարիք եղաւ ընդհանուր վերաքննութեան, ապա նա նշանակում է

¹⁾ Le «Genévois» լրագրէից:

²⁾ Ունաւովալդէնի Մայիսեան ժողովում վարչութիւնը յայտնել է, որ անցեալ տարէնբէր եկամուտը կը ծածկէ յաջորդ տարւոյ պետական ի նկատի ունենալիք ծախսերը, այնպէս, որ այդ տարին ժողովուրդը ազատ է բոլոր հարկերէից:

վերաքննող մի մասնաժողով, որը պրօէկտը ներկայացնում է լաջորդ ժողովին: Այդ ժողովն է հաստատում կամ հերքում գաղնակցութեան սահմանադրութեան պրօէկտը: Այդ ժողովում քաղաքացիները ընտրում են պարլամենտի ազգային խորհրդի համար իրանց ներկայացուցիչը:

Ամեն մի քաղաքացի իրաւունք ունի պահանջելու սահմանադրութեան վերաքննութիւնը մասամբ կամ ամբողջովին. նա է մտցնում նոր հարկեր՝ անմիջական հարկերը:

Մալիսեան ժողովն է նշանակում երկրի բարձր պաշտօնեաներին և նրանց ռոճիկները որոշում: Ամեն տարի ալդ ժողովում ¹⁾ նշանակւում է Պէտական խորհուրդը, 2-դ, կանտոնական ատեանը, 3-դ, կանտոնի քաղտուղարը և կանտոնի դռնապանը (Huissier) նա է հաստատում բնաշխարհութիւն (naturalisation) և ստանում է կանտոնի վարչական հաշիւները: Մալիսեան ժողովը տարեկան մի անգամ կանոնաւոր հաւաքւում է ինչպէս լիշեցի ապրիլի վերջին շաբաթում. սակաւն նա կարող է ժողովել և արտաքուղ կարգի:

Ժողովի ձալների մեծամասնութեամբ կապցրած վճիռը օրէնքի գորութիւն է ստանում, որին պէտք է լարդեն բոլոր քաղաքացիները. սակաւն ամեն ոք կարող է քննադատութեան ենթարկել Ժողովին մասնակցել և ընտրել և թէ ընտրւել կարող են բոլոր քաղաքացիք 20 տարեկանից. Զրկւում են միմիայն նրանք, որոնք դատապարտւած քրէական լանցանքով և կամ անւանարկւած են դատարանական վճիռով (վերջնական): Սնանկացածները կարող չեն ոչ ընտրւել և ոչ ընտրել, իւրաքանչիւր քաղաքացի ընտրող պարտաւոր է մասնակցել բոլոր ընդհանուր ժողովներին և ժողովներին որոնք տեղի կ'ունենան համաձայն սահմանադրութեան: Եւրաքանչիւրը պէտք է ընդունէ ալն պաշտօնը, որը տրւում է նրան սահմանադրութեան համաձայն, բացառութիւն կաղմում են 65 տարեկանից անցած ծերունիները: Մալիսեան ժողովում նախագահւում է Լանդամմանը (Landammann). ներկայացուցչական ձևի միւս իշխանութիւններն են 1-ին բարձր խորհուրդը, որը ընտրւում է Մալիսեան ժողովից և որին լանձնւած է օրինադիժներ կաղմել և նշանակել մի քանի պաշտօնեաների: Իւրաքանչիւր խորհուրդի անդամներին ընտրում են համալճքները 250 հոգուն մի ներկայացուցիչ տալով: Խորհրդին նախագահւում է Լանդամմանը: Բարձր խորհուրդը առհասարակ հաւաքւում է տարեկան երեք անգամ: Խորհրդին մասնակցում են նոյնպէս պետական խորհրդի անդամները: Այդ խորհրդում բոլորեքեան ներկայացնում են ամբողջ կանտոնը և ոչ ալս կամ ալն համալճքը, ուր ընտրւած են: Նա, որպէս ասացինք օրինադիժներ է կաղմում, բալց եթէ անլետաճգելի կարիք կալ կարող է և օրէնքներ տալ, որոնք գործւում են լանուն մալիսեան ժողովի, միալն թէ ալդ տնում է իբր լոկ ալտ մինչ լետաղալ Մալիսեան ժողովը, որը եթէ հաստատեց, ապա նոքա մտնում են կանոնաւոր օրէնք-

Ների շտաբը, Նա հրահանգներ է տալիս օրէնքների իրադրոժման համար, Դաշն է կուում և օտար շարաքերութիւնների մէջ մտնում. հսկում է վարչութեան կանոնաւոր ընթացքը, Լաղմում է պետական բիւջէն, կոնսուլ է անում ծախսերը, ստանում է պետական խորհրդի տարեկան ղեկուցումները, Վարում է պատերազմական, ֆինանսական դործերը, հսկում աղքատների հողաքարծութեան ինչպէս և աշխատանքներին, Նորա հսկողութեան ներքոյ է դտնում մի խօսքով կանտոնի սահմանադրական բոլոր իշխանութիւնը:

Բարձր խորհուրդն է ընտրում պետութեանց խորհրդի ներկայացուցիչը (le député au Conseil des Etats) մի տարով:

Նա է նշանակում բոլոր պաշտօնեաներին, բացի նորանցից, որոնց նշանակում է մալիսեան ժողովը: Բարձր խորհուրդը ունի չը մոռանա՞նք ասել, նաև ներելու իրաւունք (Droit de grâce):

Գործադիր իշխանութիւնը, որի անդամները նշանակում են մալիսեան ժողովում: Նա բաղկացած է 9 անդամներից, ալն է Լանդամ-մանը (բարձր խորհրդի նախագահը), փոխ Լանդամանը (փոխ նախագահը նոն խորհրդի), Տեղակալը (Lieutenant-Statthalter), գանձապահ, կանտոնի քօրապետը (capitaine) և հասարակաց աշխատանքի տեսուչը, կանտոնի դրօշակակիրը, աղքատների գանձապահը, (որը պարաւոր է կանտոնի աղքատներին խնամել) և արսէնալի (զինարանի) տեսուչը: Պետական խորհրդի պարաւորութիւններն են. դործադրելի կացնել օրէնքները. վարել ոստիկանութիւնը, վարչութիւնը, համաձայն հաստատւած բիւջէի ծախսերը անել, կազմել մուտքի և ելքի տոմարը և ներկայացնել բարձր խորհրդի հաստատութեան: Նա է հսկում խնամակալ ներքին (անչափահասների) աջակցութեամբ խորհրդականներին:

Հսկում է եկեղեցական վարչութեան և աղքատներին, Այդ խորհուրդը հսկում է եկեղեցական դումարների ծախսման:

Զը պէտք է մոռանալ, որ Լանդամանը, որը, ինչպէս տեսնում էք աւելի շատ իրաւունքներ է վայելում, քան դաշնակցութեան նախագահը, չի կարող ընարւել երրորդ անգամ, եթէ նա երկու ասորի շարունակ վարել է այդ պաշտօնը: Լանդամանի ձեռքին է դտանում կանտոնի կնիքը:

Ապաւնցելում, ինչպէս և ամբողջ Զւիցերիայում, դատաստանական իշխանութիւնը կազմւած է ժամանակով ընտրւած դատաւորներից, ալնպէս, որ, դատաստանական մադիստրատորա ինչպէս առհասարակ հասկանում են, գոլութիւն չունի այստեղ: Կանտոնը ունի իւր կանտոնական ատեանը, որը բաղկացած է մի նախագահից և 11 անդամներից, որոնց ընտրում է ընդհանուր ժողովը (մալիսեան) և այդ ալնպէս, որ գոնէ իւրաքանչիւր վիճակի (District) ունենալ մի անգամ: Ատեանին մի անգամից սլատկանել չին կարող հալր և որդի, եղբայրներ,

փեսայ և կնոջ հայր։ Անհրաժեշտ է 9 անդամներ Ներկայութիւնը ատեանը կազմելու համար։ Այդ ատեանը բողոք-ատեան է քաղաքացիական գործերի համար, ք ճ ն ի չ և վ ճ ու ա ջ ի ն ջ ատեան քրէական լանցանքների համար։

Վարչական տեսակէտից ամբողջ կանտոնը բաժանւած է վեց չրջանների, որոնցից իւրաքանչիւրում կալ մի ատեան, որոնց անդամները ընտրուում են չրջանի ընդհանուր ժողովից։ Նրանք ունին իրանց նախագահը և փոխ-նախագահը։ Շրջանական ատեանի անդամ կարող չեն ընտրւել ոչ վարչական որ ե է պաշտօնեակ և ոչ իսկ կանտոնական ատեանի պաշտօնեաները։ Հայր, որդի, թոռ, եղբայրներ, փեսայ, նոյնպէս կարող չեն միանգամից։ Ատեանը ընտրուում է միշտ մի մասնախումբ՝ հաշտեցնելու վիճող գործերը և քրէական լանցանքները։ Բացի վերոյիշեալ ատեաններից կան մասնաւոր դատաստաններ երեք կարգի, որոնց իրաւասութեան ենթարկուում է արօտատեղիներին, մարդագետիկներին, անտառների, ճանապարհների, շաւիղների առթիւ ծագած վէճերը։ Առաջին կարգի մասնաւոր ատեանը բաղկանում է չրջանի ատեանի հինգ անդամներից և այն համայնքի անդամներից լիւով, ուր գտանւում է վէճի առարկան։

Երկրորդ կարգի ատեանը բաղկանում է 11 անդամներից, սրոնց ընտրուում են չրջանից, միայն առաջի կարգի ատեանում մասնակցողները ընտրւել չեն կարող։

Վերջապէս, երրորդ կարգը, արդէն կանտոնական ատեանն է կազմում (Tribunal cantonal)։ Գործը սկսուում է միշտ առաջին կարգից, բաց նախքան գործը սկսելը, ատեանը պարտաւոր է միջոցներ գործ դնել հաշտութիւն կազմեցնելու։ Իսկ ապա թէ հակառակ դէպքում սկսի քննել։ Ատեանի անդամներից երկուսը պարտաւոր են անձամբ ներկալ գտնւել և վեճի առարկաները տեղում դիտելով, արձանագրութիւն կազմել, լանձնելով ատեանին։

Կանտոնը ունի իւր ուսումնական և եկեղեցական խորհուրդը։ Այդ խորհրդին անդամ կարող են լինել և թէ ընտրել անդամներին, որոնք ընտրողական իրանք ունեն։ Տարեկան մի անգամ կանոնաւորապէս կանտոնի բոլոր չրջանների համայնքների քաղաքացիները հաւաքւելով ընտրում են խորհրդի անդամներին և նշանակում ուսուցիչներին։ Խորհուրդը բաղկացած է լինում առ հասարակ 5—8 անդամներից։ Խորհուրդը ամեն տարի հաշիւ է ներկայացնում ուսումնաբանական ընդհանուր ժողովին։ Ուսումը տարրական ձրի է և պարտագիր։ Ուսումնաբանները պահպանւում են համալսեցների¹⁾ հաշուով, իսկ տէրութիւնը (կանտոնը) նպաստում է։

¹⁾ Մուրալ չը դիտեն։

Ռաժկական միւս կանտոններում վարչական մեքքանան աւելի կամ պակաս բարդէ։

Վերին Ունդէլվալդէնում, բացի մալիսեան ժողովից, բարձր խորհրդից և գործադիր խորհրդից կալ և երկրորդ մի խորհուրդ, որը բաղկանում է բարձր խորհրդի և գործադիր խորհրդի անդամներից ու ժողովրդից ընտրւած ալ ներկայացուցիչներից համեմատ ժողովրդի թւին (125 հոգուն մի ներկայացուցիչ)։ Երրորդ խորհուրդը օրէնքները բացատրող գէր է կատարում և պատրաստում է պրօէկտները։ Իսկ բարձր խորհուրդը իսկապէս մի բարձր պաշտօնական կարանէ, եթէ կարելի է ասել։ Այդ խորհուրդը (բարձրագոյն) բաղկանում է գործադիր խորհրդի անդամներից (որոնք թւով 11 հոգի են և նշանակւում են Մալիսեան ժողովից) և ժողովրդից ընտրւած ներկայացուցիչներից (260 հոգուն մի ներկայացուցիչ)։

Ստորին Ունտէրվալդէնում, օրինակ, չը կալ երեք խորհուրդ, բաց ունեն Մալիսեան երկու ժողով, մէկը ընտրելու համար, իսկ միւսը օրէնսդրութեան համար է։

Յառաջ եմ բերում դիտմամբ մի քանի խօսք այդ կանտոնի դատաստանական կազմակերպութեան առթիւ։ Նա հետևեալ կազմութիւնը ունի, 1-ն, քրէական բարձրագոյն ատան, որը միակ կարող է մահւան վճիռ կալացնել և վճռել ալ ծանր լանցանքները։ Մահւան դատավճռի համար անհրաժեշտ է ձայների 3/4-ը։ Այդ ատեանը բաղկանում է բարձր խորհրդի բոլոր անդամներից և երդւեալներ ի ատեանի բոլոր 11 երդւեալներից։ 2-րդ երդւեալներ ի ատեան, որը քաղաքացիական բարձր ատեանն է (tribunal civil) և անբողոք ատեանը թեթև լանցանքների համար։ 3-րդ, օստիկանական ատեան, որի իրաւասութիւնը տարածւում է լոկ թեթև լանցանքների վերալ։ 4-րդ Եօթի ասած ատեանը, քաղաքացիական երկրորդ ինստանցիան է։ զորա իրաւասութիւնը 50 Փրանկից չի անցնում։ Քաղաքացիական վէճերի առաջին ինստանցիան հաշտարար ատեանն է։

Ամուսնու թեան գործերի համար առանձին դատարան կալ, որը քննում է ծխական խորհրդների դէմ տւած գանգատները ամուսնութեան մերժելուն և ալ նման հարցերի վերաբերեալ խնդիրներ։

Փոքրիկ Ուրին, ընդամենը ունի 24,000 բնակիչ։ Իսկ աւելի փոքրիկ Ունտերվալդէնը, ալն որ 1889 թ. ժողովրդին ազատեց բոլոր հարկերից, ունի միմիայն 11,000 բնակիչ։ Եւ Ունտէրվալդէնը, Ուրին մի մի անկախ տէրութիւններեն. դրանք էլ ունեն իրանց բարձրագոյն իշխանութիւնը (մալիսեան ժողովը), ինչպէս և ներկայացուցչական մի քանի իշխանութիւններ—օրէնսդրական խորհուրդ (Landrath), գործադիր խորհուրդ և փարչական մի մատնաթողով (Ուրիում)։ ունեն իրանց ուսումնարանական

և նկեղեցական խորհուրդները, կանտոնական բարձրագույն ատեանը (քրէական և քաղաքացիական վէճերի համար) և թէ ալ փոքրիկ դատարաններ: Նրանք էլ են դաշն կռում հարեան պետութիւնների հետ, որքան ալ թող է տալիս դաշնակցական սահմանադրութիւնը: Վերջապէս ունեն իրանց ղիւնտրական վարչութիւնը և ալլն. կարճն ասած, իւրաքանչիւրը առանձին առած, մի անկախ պետութիւն են ներկայացնում իւր ամբողջ կազմակերպութիւնով: Ալլ դեռ ոչինչ, եթէ նկատեսցիք, լարդուլընթերցող, Զւիցերական իւրաքանչիւր մի համայնքը, որը շատ անդամ բաղկացած է լինում մի քանի տներից, ալլ քաղաքական միկրոսկոպիկական ատոմիկը իսկ, առանձին մի անկախ վարչութիւն է, մի ամբողջ օրգանիզմ:

Աս վերը մի տեղ չի շնցի, որ իսկապէս ասած չը կալ. ոչ կանտոնի և ոչ Դաշնակցութեան քաղաքացի, ալլ կան համայնքի քաղաքացիք: Աւարդարեւ, զւիցերական համայնքը ալն օղակնէ, որի վրայ շրջում է երկրի քաղաքական բարդ մեքենան, ամբողջ կազմութիւնը, Համայնքը, թէ կարելի է ասել, երկրի օրգանական մասնիկն է, իսկ շրջանը, կանտոնը արհեստական, վարչական բաժանմունքներն:

Դա ևս, համայնքը, մի անկախ ամբողջութիւն է կազմում: Դա էլ ունի իւր ընդհանուր համայնական ժողովը, համայնական խորհուրդը, իւր ընտրած դատաւորները: Նա՝ համայնքը, ինքը կազմում է իւր բիւջէն, պահպանում իւր ուսումնարանները, եկեղեցիները անկախօրէն, Կանտոնը, իւր մատը չի խառնում և ոչ իսկ կենդրոնական իշխանութիւնը, նորա՝ համայնքի՝ առտնին գործերի մէջ, Կենդրոնական վարչութիւնը խնամակալի դեր չի կատարում, ալլ շատ շատ հսկում է և գլխաւորապէս իւր ուշքը կենդրոնացրել է համայնական հողերի պահպանութեան վերայ և հողում է, որպէս ղի ալլ հողերը չը կորցնեն իրանց նշանակութիւնը:

Թէ ինչ նշանակութիւն ունի և ինչ դեր է խաղում համայնքը, ալլ կարող էք եզրակացնել, նրանից, որ ով անդամ չէ մի համայնքի, ապա քաղաքացիութեան իրաւունք չունի: Քաղաքացի է նա, ով անգամ է որեւէ մի համայնքի և նա միմիայն ընտրել և ընտրելու իրաւունք ունի. իսկ ընտրողական իրաւունք ունենալով համայնքում, ալլ ընդարձակում է կանտոնի դաշնակցութեան վերաբերութեամբ, որով կանտոնը, ալլ համայնքների դաշնակցութիւնն է. իսկ դաշնակից պետութիւնը—կանտոնների հիմնաքարը՝ համայնքն է:

Իսկ ղիտէք, լարդուլընթերցող, ինչու զւիցերացիք, ինչպէս ասում են ալլքան զլուսն են ծակում, ղողղողում իրանց համայնական ծագումի, համայնքի իրաւունքների համար: Դիտէք ինչու է դաշնակցական սահմանադրութիւնը ամենախստիւ արգելում՝ քաղաքացիութեան իրաւունքից որեւիցէ մէկին ղրկելը և թէ արգելում

աւելի խստիւ զրկել մէկին իւր ծագման իրաւունքից (Droit d'origine) և կամ արտաքսելը ծննդավայրից, ինչու ամենախստիւ կերպով հսկում է, չ'իցէ թէ այս կամ այն կանառնը խախտէ սահմանադրութեան ալդ լօղածը: Ո՛չ, իսկ գուցէ թէ Զեզ չալտնի է տնտեսական հարցերից չառաջացած այն իրարանցումը, որը տիրում է Եւրոպայում: Լսած կաք, թերես, ինչ ահաղին աղմուկ է հանել հոգալին հարցը ե մարդկութեան մի նոր դասակարգը՝ ազատ ստրուկների դասակարգը, որոնց պրօլէտարիատ են ասում, որը ալսօր կամ վաղը տակն ու վրալ պէտք է անէ Եւրոպան:

Գլխնականների հետադատութիւնները ցոյց են տալիս, որ համալնքը տնտեսական ծագում ունի, նորա հիմնաքարը հողատիրութեան հաւաքական եղանակն է, ալն է հողատիրութեան սկզբնական եղանակը, որից ժամանակի ընթացքում մի շարք փոփոխութիւններից չնտղ չառաջացել է հողի անձնական սեպհականութիւնը: Ալդ ալժմ ուսումնականների մի շարք հետադատութիւններով հաստաաւած է զրականապէս:

Հաւաքական (կոլլէկտիւ) հողատիրութեան ձևի հետքերը մինչև ալժմ էլ մնացել են Եւրոպայի թէ Ասիայի ու Հնդկաստանի մի քանի ցեղերի մէջ—Հնդկական մի քանի ցեղերում, գերմանական և սլաւոնական ցեղերում, ինչպէս և Զւիցցերիայում է արդի համալնքը և թէ ալսաքական ցեղերի մէջ:

Առհասարակ ընդունում են, որ համալնքը մի քանի ընտանիքների միաբանութիւններ են, որոնք ծագումով կամ ալլ հանգամանքներով միացած բռնում էին որ և իցէ մի հող, որի մի մասի վրալ կառուցանում էին տներ բնակւելու. իսկ հողի մնացած մասը, ինչպէս մշակութեան հողը, արոտատեղիները, մարգերը, անտառները և ալլ անշարժ կալքերը, անբաժան սեպհականութիւն էին ամբողջ համալնքին միասին առած: Ալդ անբաժան հողը, որի վրալ համալնքի անդամներն էլ հաւասար իրաւունքներով տիրում են, կոչւում էր համալնական (communautaire): Ընդունում են, որ համալնական հողատիրութեան նախնական իղանակում, նոյն իսկը ամբողջ համալնքը ի միասին մշակում էր և աշխատում նոյն հողը և թէ ժամանակի ընթացքում միմիայն իւրաքանչիւր ընտանիքին առանձին բաժին էր տրւում, որի վրալ աշխատում էին ամբողջ ընտանիքի աշխատող ձեռները: Առհասարակ ալդ բաժանմունքը տեղի էր ունենում զանաղան ձևով. կամ վիճակով և կամ նալած ընտանիքի մեծութեան կամ փոքրութեան, ալն է, եթէ մի ընտանիքում աւելի թւով անդամներ կալին, ապա ալդ ընտանիքը ստանում էր աւելի մեծ կտոր հող. իսկ աւելի փոքր թւով անդամներից բաղկացած ընտանիքի բաժինը աւելի փոքր կտոր էր լինում: Պատահեց, որ ընտանիքում մէկը վախճանեց, ապա նորա մասը չեալ էր գնում և խառնւում համալքի հողին և կամ տրւում էր մի ալլ ընտանիքի, ուր կարիք կալ:

Շատ ցեղերի մէջ նոյն իսկ (տէւդոնականը օրինակ) ամբողջ համալսելի ընտանիքները ցանում էին միևնույն սերմը և նոյնքան հանգստութեան թողնում արդէն ցանաւ հողերը: Աւելի ուշ, արդէն իւրաքանչիւր ընտանիքի բաժինը մնում է մշտականապէս ընտանիքի բոլոր անդամներին, ևս չէ բաժանուում ինչպէս առաջ: Այդ արդէն ընդհանուր համալսական հողատիրութիւնից դէպ մասնաւոր սեպհականութիւնը առանձին քաղն է, ասում է, պրոֆեսսոր Մէնը, երբ ընտանիքի անդամները միասին տիրում են մշտականապէս և անբաժանելի իրանց բարին: Ինչ և իցէ, այստեղ աւելորդ եմ համարում պատմել հողի համալսական տիրականութիւնից դէպի մասնաւոր սեպհականութիւնը տանող պրոցեսսը¹⁾: ալդ մի կողմը թողած, չառաջ կը բերեմ համալսական հողատիրութիւնն և մասնաւոր սեպհականութիւնն (հողի) գլխաւոր տարբերութիւնը, որը արժանի է խորին ուշադրութեան:

Արդի քաղաքացիական օրէնքները, գրեթէ բոլորն էլ անմիջապէս կամ միջնորդաբար իւրացրել են այն հասկացողութիւնը, ինչ տալիս էր հռովմէական օրէնքը սեպհականութեան: «Սեպհականութիւնը. ալդ որ և իցէ մի իրի վրալ ամենաանպալման և ընդարձակ իրաւունքն է, որ մարդ կարող է ունենալ» բացատրում է հռովմէական օրէնքը. գրեթէ նոյն բացատրութիւնն է տալիս «որ և իցէ մի առարկայի ամենաանպալման և անկախ գործածութիւնը»:

Համալսական հողատիրութեան գլխաւոր սկզբունքը ասացինք, որ կալանում էր նրանում, որ հողը սեփականութիւն չէր, անպալման և անկախ գործածելի սեփականութիւն ալս կամ ալն անհատին և ոչ տիրապետութիւն էր (possession). ալս կամ ալն ընտանիքին, ալս ամբողջ համալսելի բոլոր անդամներն ևս հաւասար իրաւունքներ էին վաւելում ամբողջ համալսական հողի վերաբերութեամբ: Հողը սեփականութիւն էր ալսպէս ասած ամբողջին. իսկ իւրաքանչիւրը առանձին առած և ոչ մի աւելի կամ պակաս արտօնութիւն չունէր միւսից: Համալսելի ալս կամ ալն անդամը կարող չէր նոյն իսկ մի մասնաշաղկի անգամ գործածել ինչպէս իւր սեփականութիւնը, ուրեմն ալն պիտի անպալման և անկախ գործածութիւնը գոյութիւն չունէր համալսական հողատիրութեան²⁾ ժամանակ. համալսելի իւրաքանչիւր անգամը տէր էր և ոչ թէ հորա սեփականութիւնն էր հողը: Նա տէր էր

¹⁾ Լէսուրնօ և այլք:

²⁾ Հողատիրութիւն գործ եմ ասում possession բառի մաքուր, որը չը պէտք է շփոթել սեփականութիւն (propriété) բառի հետ, որոնք շատ տարբեր են իրարից:

³⁾ Պէտք է ի նկատ աւելնել որ Զէյցեբիյում մի կտոր հող չէք գտնել, որ անօգուտ թողնեն: Այդ լեռները իսկ քիչ եկամուտ չեն բերում, որոնց վրայ

ինչպէս և միւսները. իսկ սեփականատէր չէր կարող լինել, ալսինքն թէ մէկը սեփականատէրերից ցանկանալ կարող չէ ամբողջի սեփականութիւնը գործադրել իւր ցանկութեան համաձայն. իսկ համատէրութեան ժամանակ առաւել ևս, նա ոչ ծախել, ոչ պարգեւել և ոչ կտակել կարող է հողի աւել կտորը, որը համալնքը որոշել է նրան օգտուելու: Եթէ հս հրաժարուում է օգտուելուց, թողնում է իւր լաժինը, ապա այդ բաժինը անցնում է համալնական հողին և կամ համալնքը տալիս է մի ալլ ընտանիքի կամ անդամի, որը կարիք ունի:

Այս մի քանի տողերից, ընթերցող, ակներև երևում է, որ համալնքում, ընտանիքի իւրաքանչիւր անդամը արդէն ապահով վիճակի մէջ է գտնուում: Համալնքի անդամը հասնելով աշխատելու հասակին, արդէն նորա համար հողը պատրաստ է, որի վրալ աշխատելով, իւր աշխատանքի արդիւնքը վաճելու է ամբողջովին ինքը. նման հանդամանքում, երբ համալնքը հոգումէ իւր անգամներին իւրաքանչիւրին հող տալով, երբ այդ հողը կարող չէ մէկի կամ միւսի սեփականութիւնը լինել, ապա շատ պարզ է, որ երկնքից իջած մի քանի բաղդաւորներ կարող չեն սեփականել իրանց ոչ բնութեան այդ տուրքը՝ հողը, որի վրալ և ոչ ոք աւելի կամ պակաս իրաւունք չը պէտք է ունենալ միւսներին, ինչպէս ջրի, օդի, լուսի վրալ չունի և լացի այդ՝ միւսն էլ չի զրկւիլ այդ տուրքից:

Համալնական հողատիրութեան ներքոյ համալնքի անդամը մի կտոր հացից զրկւած չէ:

Ահա ընթերցող ալն շարժառիթները, որոնք ստիպում են շէնքարական դաշնակցութիւնը ամենախստիւ հսկելու չիցէ թէ խախտւի ալն լօղածը դաշնակից սահմանադրութեան, որով արգելու է կանտոններին որևիցէ մի ղեկերացու զրկել քաղաքացիութեան իրաւունքից, ալն է համալնքի անդամ լինելուց և թէ ինչո՞ւ իւր ուշքը կենդրոնացրել է համալնական հողերի վերալ, չիցէ թէ նրանք կորցնեն իրանց նշանակութիւնը:

Այժմ կարծեմ մասամբ պարզ է, ինչո՞ւ Զւիցերիան գլուխ է ծակում իւր քաղաքացիութեան իրաւունքով, ինչո՞ւ նա զողողողում է համալնքի անդամ լինելու իրաւունքի վրալ և ինչո՞ւ կապիտալը ալն հրէշաւոր տեսքը չ'ունի, ինչ ալլ երկիրներում, ինչո՞ւ չը կալ ալն դառն աղքատութիւնը, ինչ Անգլիայում: Ալլ խօսքով ինչո՞ւ ամբողջը ստրուկ չէ մի քանի լանդ-լորդերի կամ կապիտալիստ բուրժուաներին և ինչն է պատճառը, որ ղեկերացին վաճելու է քաղաքական աղատու-

ակադին հիւրանոցներ են կաւուցւած, ուր իրանց ժամերը, պարապ սարապ ժամերը, անց են կացնում՝ երկբաշնդիս երեսին գտնւած քաղաւորները, մի քանի օրերում հազարներ թողնում:

թիւնը: Որ և իցէ մի Ուրի կանտոնի, որ և իցէ մի համալնքի զիւղացին, ինչպէս ասում են, գտակը ծուռ դրած, ձեռքերն էլ մէջքին, մալիսեան ժողովում անկախ, ազատ առանց վաղաւան հացի վրալ մտածելու օղտում է իւր իրաւունքներին: Ընտրում է ում արժանաւոր է դատում ու տալիս ալն օրէնքները, որ նա ցանկանում է:

Ասել է հարկաւոր, որ մասնաւոր սեպհանութիւն գոյութիւն ունի Զւիցերիայում. բայց մի բան կալ ալստեղ ուշադրութեան առնելու. արօտատն զինները, մարդերը, անտառները, առանց բացառութեան, համալնական սեպհանութիւն են, ինչպէս և լեռները և ալլ նման հողերը. և ալլ հետքերը ամեն կերպ աշխատում են պահպանել:

Չեմ ասում, որ ալստեղ չը կան հող չ'ունեցող քաղաքացիներ. կան, իսկապէս ասած ալստ չ'էլցարական համալնքներում երեք տեսակ անդամներ կան. նոքա որոնք հող և տուն ունեն, որոնք տուն ունեն իսկ հող ոչ, և երրորդը, որոնք ոչ ալլ ունեն, ոչ ալն, ուրեմն ոչինչ չ'ունին: Սակալն այս վերջին խօսքը շատ էլ ճիշդ է: Սխալ կը լինի, թէ ասեմք ոչինչ չ'ունին: Նախ փոքրամասնութիւն են կազմում վերջիններս և բացի ալլ՝ նրանք ես զուրկ չ'ուն փոխադրութիւն են կազմում վերջիններս և բացի ալլ՝ Բոլորեքեան ևս անխտիր, իսկ ամեն մի համալնք ունի իւր անշարժ ստացւածքները, որոնք են—տներ, հողեր, անտառներ, արօտատնիներ (բացի մասնաւոր սեպհանութիւնից), լեռներ, որոնց եկամուտը համահաւասար բաժանում է անխտիր համալնքի բոլոր անդամների մէջ: Ալլ կալքերը տրուում են կապալով և դոցա եկամուտը փողով կամ բնութեան տուրքով պատկանում է բոլոր անդամներին: Կան համալնքներ, ուր իւրաքանչիւր անդամը տարեկան 4—700 ֆրանկ եկամուտ ունէ համալնական ստացւածքներից: Ուրեմն չը պէտք է կարծել, որ համալնքի անդամը, երբ ասացի, չ'ունէ ոչ ալս ոչ ալն, բոլորովին զուրկ է օրական պարենից: Նա մասնաւոր սեպհակալութիւն չ'ունի. սակալն համալնական ունի և ալլպիսի մի հանդամանքում շատ ակներևէ որ կապիտալը իւր ժիւրը չի կարող ալս կամ ալն խմբի կամ անհատի ձեռքում կենդրոնացնել, մանաւանդ, երբ համալնքի իւրաքանչիւր անդամը անձամբ կերարկում է իւր գերիշխանութիւնը, մասնակցելով օրէնսդրական իշխանութեան. ուրեմն, ալստեղ և ոչ իսկ ալս տեսակ հրէշաւոր հարկեր կարող են գոյութիւն ունենալ, որոնք կարողանան կլանել և կամուտը:

Ով եղել է Զւիցերիայում, ապա անշուշտ գիտէ. եթէ հետաքրքրել է ծանօթանալ, որ զիւղացին ամբողջ ամառը աշխատում է դաշտում. իսկ ձմեռը, ազատ ժամերը դործադրում է անալին արգիւնաբերութիւնով և ալն էլ շատ կատարելագործած արգիւնաբերութիւնով և կամ քաղաք գնալով

աշխատում է մի քանի ամիսների ընթացքում իւր ազատ աշխատանքը արդիւնաբերում մինչ ամառ, ապա կրկին դիմում իւր սիրած հողին կամ ալ գիւղական աշխատութեան: Նա իւր աշխատանքի տէրն է, ահա ինչո՞ւ վալելում է օրէնքի և արդարութեան տեսակէտից հաւասար իրաւունքներ: Իսկ ալդ աշխատանքի արդիւնքը իրան է պատկանում, որովհետև նա՝ բոլորովին զուրկ չէ եկամուտից—անկախ դիրք ունի:

Այն հեղինակները որոնցից օգտուել եմ:

Hesse.—L'administration provinciale et communale en France et en Europe, 1870.

Ch. Letourneau.—La sociologie, 1880.

Laveley.—Les formes primitives de la propriété.

V. Maurer.—Համայնական վարչութեան պատմութիւնը.

P. Viollet.—De lapropriété collective (Rev. de deux mondes).

Բլունչլիի և Էլեզէ Ռէկլիւլի գրածքները:

Մէն.—Նախնական համայնքները Արևելքում և Արեւմուտքում:

Բացի ալդ՝ օգտուել եմ պրօֆէսոր Gentet ի դատախօսութիւններից

1886/7 թւականի սեմետրին կարդացած: